



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

XXXIV. De eo, si quis in oste contra Paganos interficit captiuos Christianos.

urn:nbn:de:hbz:466:1-15967

partem digitii sibi abscidit, hunc ad clerum Canones non admittunt. Cui vero casu aliquo contingit, hunc Canones præcipiunt & clericum fieri, & si in clero fuerit repertus, non abiici. Item in decreto Gelasii papæ, capite decimo sexto: Ut nemo litteras nesciens, vel aliqua parte corporis imminutus, promoueatur ad clerum. Hanc auctoritatem sanctorum patrum confitemur, & confirmamus, sequimurque: ita ut si quis a medicis per languorem defectus est, vel per aliquam infirmitatem claudus effectus est, & inueniatur alias dignus, permaneat clericus, & sacro ordini aptus.

XXXIV.

Vnde bella consurgunt, hostes sœuiunt, inimica gens Paganorum insequitur populum Christianorum. Impletum est enim quod euangelica testatur historia: *Surget gens contra gentem, & regnum aduersus regnum, &c.* Et alibi scriptum est: *Pugnabit orbis terrarum pro eo contra infensatos.* Quapropter zelo diuinæ æmulationis accensi Christianorum exercitus procedunt ad bellum, confidentes in eum qui dixit: *Vos ad certamen acceditis, ego prælior pro vobis.* Fit conuentus Christianorum & Paganorum: fortiter dimicant isti pro fide, illi contra fidem. Vnde fortissimo confortante Domino, sicut * Matathias pater Machabæorum ait: *Non in multitudine exercitus fit victoria belli, sed de cælo venit fortitudo:* saepè fuit victoria Christianorum, victa est pars Paganorum. Quare vna cum imperfectis Paganis perempti fuerunt Christiani, captiui a barbaris, quia in impetu belli

Matth. 24.Sap. 5.i. Mach. 3.

ANNO CHRISTI
895. nequeunt distingui. Idcirco iustum decernentes,
statuimus cum interfectoribus misericordius agen-
dum, ita ut quadraginta diebus pœnitentiæ indul-
gentius transactis, penes episcopum sit auctoritas
& potestas, vt perpendat culpam, agat indulgen-
tiā.

XXXV.

Secundum sanctorum statuta patrum, in hoc
sancto præjudicamus Concilio, vt nullus comes,
nullusque omnino sacerdotalis diebus dominicis, vel
sanctorum in festis, seu quadragesimæ, aut ieunio-
rum, placitum habere, sed nec populum illo præ-
sumat coercere: Quia inde irascitur Deus, quod
cum tantum suo sancto seruitio debet populus de-
fudare, inueniatur lites & contentiones frequenta-
re. Diebus vero dominicis & sanctorum festis, vigi-
liis & orationibus insistendum, & ad Missas cuili-
bet Christiano cum oblationibus est currendum, &
tantummodo Deo vacandum. Diebus quadrage-
simæ & ieuniorum summa deuotione ieunan-
dum, & omni intentione est orandum, atque vni-
cuique pro facultatibus suis eleemosynæ tribuen-
dæ, & nullæ lites vel contentiones habendæ. Ar-
guit enim eos, qui contentiones & lites tempore
ieiuniorum, & qui a debitoribus debita exigunt,
Dominus per prophetam, dicens: *Ecce in diebus ie- 1sa. 58.
iuniorum vestrorum inuenitur voluntas vestra, & om-
nes debitores vestros repetitis: ecce ad lites & contentio-
nes ieunatis & percutitis pugno impie.* Ideo nobis,
qui gregis Dei curam accepimus pastoralem, sum-
mopere curandum & prohibendum est, ne nostra

Oooo iiij